

NSQÑ-IBUOT NDITQ ISRAEL YE ABASI

Numbers 14:1-45

QYQHQ UKPEP-ÑKPQ 102

Eke Mkparawa

IKQ IBUOT: “Nnyin iyeda Abasi inam uko: ndien enye eyedigi mme asua nnyin” (Psalm 60:12).

Mme Enyin Emi Efepde Ekpõñ Abasi

Nditq Israel ema edi edisim ata adaña isqñ, Canaan, ndien mmq ekeyak mme ubiqñq ebiat mme edidiqñ emi mmq ekpenyenede. Ke ini mmq ema ekesaña ke ukot ye kpukpru ufene mmq ye ñkpri nditq mmq ebe isua kiet, akpana nte idaha emi mmq ekeda eti isqñ oro qkqyqhde ye ediwak mfri ye mmqñ eba ye aran qkwqk. Edi mmq ema emen enyin mmq efep ekpõñ Abasi, ndien mmq ikekemeke ndikut mme edidiqñ emi.

Okposuk edi nte nnyin idinamde ñkpq Abasi ke esit akpanikq ke ekpri ini, edieke imende enyin nnyin ikpõñ Jesus, itre ndibqñ akam nnyuñ ñkot Ikq Esie, man oto do nnyin ifiq se Enye oyomde nnyin inam, nnyin idikemeke ndika ke Heaven. Jesus akaka ke Heaven nditim itie nnq mmq emi emade Enye; ndien idara emi nnyin idinyenede ke isimde do okpon akan se nnyin ikemede ndikere. Edi okposuk edi nte nnyin idisañade ikekpere inua otop Heaven, ndien iyak idiok-ñkpq oduk ke uwem nnyin, nnyin idikemeke ndibe nduk ñkenyene mme idara edidiqñ emi ebeñede ebet nnyin do.

Ndisuan Idiok Etop

Mbon uyep emi ema ekeket kpukpru nti ñkpq oro ke Isqñ Canaan, ema enyene ndik ebaña mme owo oro ekeduñqde do, ndien mmq emen etop ndik edisuan ke ofuri otu esop Israel. Abasi ikenemke esit ye ndiqi mbon uyep oro, anam Enye qkqñqñ idiok udqñq emi okowotde mmq kpukpru. Edi mbiara ama adada itie. Idiok uwem unana ediyuhq ye ntut-utqñ ke uyo Abasi ama ebebem iso asuana ke otu Nditq Israel. Mme owo emi ema etua eyet koro mmq ekefehede ndik mme ikpõ nnyan owo emi. Mme ñkpõsqñ owo Israel ema ekabare edi mbon ufep tutu mmq etua eyet! Kere nte eketiede ke se ikqwrqde ida itie oto ke mme idiok etop emi owo duop emi ekenqde. Akwa otu esop ofuri Nditq Israel ema ekebare efehe ndik.

Ndien ke ntak ndik mmq, ema ewqñqre Nditq Israel efiak edem ke akwa akai-ikqñ ndikoyo nsaña ke isua 39 efen, ndien mmq ikadiaha inem obio Canaan. Eti obio oro ama okododuk mmq ubqk ama, ama atak mmq ke nsinsi. Ñkpri nditq mmq, emi mmq ekedqñqde ete eyekpaña ke akwa akai-ikqñ, ekedi mme mmq emi ekedade isqñ oro enyene ke akpatre.

Adaña didie ke nnyin ikpekpeme idem man ikudi ñkpq ubiqñq inq kiet ke otu nditq Abasi! Kpa nditiñ idem ekpri ikq eke midotke ekeme ndinam mbuqtidem owo emem; nte ididighe ata idiok-ñkpq edieke nnyin inamde owo etre ndika Heaven?

Mme Nnyan Owo Ye Ñkuku

Nte mme nnyan owo obio Canaan emi ema eneñere enyene ndik? Mme nte nditq Israel ekpekeda idem mmq nte ñkuku ke enyin mmq? Caleb ye Joshua ikekereke ntre. Mmq ekenyuñ edi mbon uyep ñko, ema enyuñ esaña ekanare obio, enyuñ ekut ofuri se mbon uyep owo duop eken ekeketde. Edi mmq ekese mmq ke enyin efen. Mmq ema enyene enyin mbuqtidem, enyuñ ediqñq ete ke Abasi eyekan ke mme ekqñ qñq mmq. Mmq ema enim Abasi ke akpanikq, ndien mmq ema edqñq ete, “Nnyin imetim ikeme” ndida obio oro. Mmq ema edqñq ete ke ini ubqñq mbon Canaan ama ebe, “koro mmq edi udia nnyin.”

Ifiq Joshua

Joshua ekedi ada-usuñ ke ekqñ qñq Nditq Israel, enye ekedi ata owo akpanikq ye owo ifiq emi edide ke akpatre ema emek enye ete ada mme owo usuñ ebe Jordan. Edieke ata ndik okpokodude, emekere ete ke enye qkpqkqfiq? Nnyin imqdiqñq ite ke Joshua ye Caleb ema ediqñq qñq eke odudu mmq ekesinede, koro mmq ema edqñq ete: “Edi mbufo ekutun itun ye Jehovah, ekunyuñ efehe nditq isqñ oro; . . ndien Jehovah odu ye nnyin.” Mmq ema efiok ete ke edieke Abasi odude ye mmimq ke mmq ekeme ndikan ke ekqñ ekededi. Edi mme owo emi ikekpañke utqñ inq mbon uyep emi ekedade eti etop edi. Edi mmq ema eyqñq ye ikq mmemidem enyuñ esuk ekere mme ndiqi ekikere.

Ediyom Ndimek Ada-Usuñ Efen

Abasi ama enyene anyan ime ye mbon ntut-utqñ emi koro Moses qkqñqñde akam abaña mmq. Abasi ama qñq mmq udia ndidia; qñqñ mmq ikawahake; ndien mme asua mmq ema efiak edem enyuñ eduqñq ke iso mmq. Mmq ema enyene kpukpru ntak ndinim ke akpanikq nte ke Abasi eyeñwana ekqñ emi ñko. Edi utu ke emi, mmq ema efre

ebaña mme utibe ñkpọ emi akadade mmọ ọwọrọ ke isọñ Egypt emi onyụñ onimde mmọ uwem tutu osim usen oro, ndien mmọ ema efiori ete,” “Nnyin ikpekam ikpaña ke isọñ Egypt” akan Abasi ndikpayak nnyin ikpaña ke akwa akai-ikọt emi! Nte afo emekeme ndikere utọ unana esit ekọm oro? Ndien mmọ eneñere etre ndikpono Abasi ye Moses ke ndidọhọ ete, “yak nnyin inim owo ke etubom, ndien ifiak ke Egypt.” Mmọ ekeyom ada-usuñ efen, enye emi edidade mmọ afiak ke idiọk isọñ Egypt.

Egypt, Mbiet Idiọk-Ñkpọ

Nnyin ima ikpep ite ke Egypt ekedi mbiet idiọk-ñkpọ, ndien Abasi okosioño ikọt Esie efep. Idahemi ikọ mmemidem oro ama edi ndien mmọ eyom ndifiak nnyoñ. Edi nso ke mmọ ekenyene ndifiak nnyoñ mbine? Mmọ ema edi ifin enọ Pharaoh, ndien ema enam ata ọkpọsọñ utom ye ediwak ubọk ikpa ke idak mme etubom mbon utom. Ke idak ndot-ndot itie emi mmọ ema etua enọ Ọbọñ, ndien Enye ama anyaña mmọ. Nso ikpeketibe inọ mmọ, edieke mmọ ekpekefiakde enyoñ? Idiọk Edidem emi akpakamia mmọ ufen ata eti eti koro mmọ ekefehede, ndien ke akpanikọ enye akpakanam ufen mmọ otim odobi. Edi Nditọ Israel iketiehe ikere ibaña oro.

Emi edi se inade inọ owo emi ọkpọñde idaha owo Abasi ndien afiak okoduk ke idiọk-ñkpọ. Satan edi ọkpọsọñ etubom utom, ndien enye eyebọp ata akamba mbiomo ke idem anam-idiọk. Ndien ke esiode oro efep, nsinsi ufen ana ebet ukpọñ mfiak edem, edieke enye mifiakke itua mkpọfiọk. Ke ini utọ ubiọñọ emi, owo ekededi ekeme ndikabare mmem, nnyuñ mfiok nte ke imọ ikemeke ndimum mbuotidem ñkama; edi ke utọ ini oro enye ekpenyene ndibere ọkpọsọñ ke Ọbọñ man ọnọ enye ukeme, onyụñ ọdiọñọ ete ke ata idiọk idaha ke ebet imọ edieke iduokde idaha eñwan owo Abasi.

Abasi okpokosobo Nditọ Israel oto ke nsọñ-ibuot emi, edieke Moses ye Aaron mikpọkọbọñke akam okpọsọñ ibaña mmọ. Mmọ etiñ enọ Abasi ete ke kpukpru mme ñkan ñkuk idut emi ke ese isañ Nditọ Israel, ndien mmọ ema ediọñọ ete ke mmọ edi nditọ Abasi. Edieke Enye edisobode mmọ ke emi, mme okpono ndem eyedọhọ ete ke Abasi akpanikọ ikponke aba ikan mme abasi emi mmọ ekekponode; ke Enye ikenyeneke ukeme ndida mmọ nsim isọñ emi Enye ọkọñwọñode. Abasi ama akpañ utọñ ọnọ mkpe-ubọk Moses ye Aaron, onyụñ ọñwọñọ ete ke ubierikpe emi Imọ ididọñde eyebuaha ye mbọm. Enye ama anam ikọ Esie edi akpanikọ nte ke mmọ idikemeke ndiduk ke Canaan, edi ke iyenọ mmọ isua aba nditua mkpọfiọk.

Ke ofuri ediwak isua oro Nditọ Israel ekeyode ke akwa akai-ikọt, mmọ ema enyene ata ediwak ifet nditua mkpọfiok mbaña unana edinim emi mmọ mikenimke Abasi ke akpanikọ. Ke ini eke mmọ ekebode ọkpọsọñ ufen, mmọ ekenyene ndibiom idem mmọ ikpe. Idiọk-ñkpọ mmọ ama ada kpukpru mme mfina emi ọsọk mmọ. Mmọ ekeyọ mme ufen emi koro mmọ mikenimke Ikọ Abasi ke akpanikọ. Mmọ ikenimke Ọbọñ ke akpanikọ ke ini Enye ọkọdọhọde ete ke iyebe mmọ iso inyụñ iñwana ekọñ inọ mmọ.

Paul Apostle etiñ ọnọ nnyin ke Ñwed Mme Hebrew ibuot 3 ete ke edi unana edinim ke akpanikọ akanam mmọ mikadaha Isọñ Eñwọñọ inyene. Mme owo ke mfin emi idaha nte edi idiọk-ñkpọ ke nditre ndinim Ikọ Abasi ke akpanikọ. Ndusuk Nditọ Abasi ñko ikopke ndik ibaña mmọ nditre ndinim ndusuk eñwọñọ Abasi ke akpanikọ. Edi, edi ata idiọk-ñkpọ ndiyik Abasi. Edieke Nditọ Israel eketrede ndiduk ke Canaan oto ke unana edinim ke akpanikọ, nnyin imekeme nditre ndiduk Heaven itoho ke ntak akamba idiọk-ñkpọ, edi oto ke ediyik ekpri mbak Ikọ Abasi.

Edieke owo ekpetimde enim ke akpanikọ ete ke nsinsi ufen ke itie emi ikañ asakde ke hell ke ebet mmọ emi mikopke Uyo Abasi, nte afo emenim ke akpanikọ ete ke ediwak mme anam-idiọk ekpedu? Ediwak owo emi midighe mme Anditiene Christ inimke Edisana Ñwed Abasi ndomo esisit ke akpanikọ; edi ndusuk emi etiñde ete imonim, eyik, inimke ke akpanikọ ite ke hell, ebiet nsinsi ufen emi Ñwed Abasi ọdọhọde ete ke odu, mmọdo odu. Mmọ ekere ete ke ini mmimọ ima ikpa, ke usuñ efen ekeme ndidu eke idisañade ibọhọ, ndiduk ke hell idiokke nte emende ewut. Utom Satan edi ndiwọñore mme ekikere owo ñkpọñ ubierikpe tutu ini editua mkpọfiok ebe. Ini ke edi ọnọ kpukpru owo eke mbọm mididuhe inọ mmọ, mmọ ekpenam se enanam edifehe mbọhọ ufen.

Nditọ Israel Ekpuhọre Ekikere

Ke ini Moses ama eketiñ ọnọ Nditọ Israel ubierikpe Abasi ye mmọ nte edide, mmọ ema enyek idem eti-eti ke ekikere edinyene ndiyo ke akwa akai-ikọt oro ke isua 39, ndien mmọ ebieri ete utu ke oro ke iyeka ikañwana ye mbon Canaan emi. Edi ema ebebiere nte ñkpọ editiede ye mmọ. Abasi ama ọnọ mmọ ubierikpe Esie, ndien Iso Esie ama adaha ọkpọñ mmọ. Ekedi ikpikpu edinam idahemi mmọ ndika ñkañwana ndikan mme asua mmọ ke odudu mmọ. Nso utọ ndiok-iso! Abasi ama ọkpọñ mmọ!

Moses ekekpe ye Nditọ Israel ete yak mmọ ekunana ibuot ke usuñ ndomo kiet ndidomo ndika ñkañwana ke odudu idem mmọ, edi mmọ ikenyimeke ndikop nditre idiok edinam mmọ. Mmọ ewọrọ eka ekọñ ye mbon Amalek ndien se

utọ edikan emi ekekande mmọ! Kpasuk mbon Amalek emi mmọ ekekande ini kiet mmem-mmem usuñ oto ke uñwam Abasi, ema esuan mmọ, ebin mmọ efeñe efiak edem edisim Moses emi okodude ke Ataya ke nna.

MME MBUME

1. Ewe mbon uyep ke Nditọ Israel ekenim ke akpanikọ?
2. Nso erinam ke etop mmọ akanam ke idem mmọ?
3. Mmọ ekeyom ndinam nso?
4. Nso ubierikpe ke Abasi ọkọdọñ ọnọ mmọ?
5. Nso ke Nditọ Israel ekeyom ndinam ke mmọ ema ekekop ubierikpe?
6. Nte Moses ama aka ye mmọ?
7. Nso ikotibe ke ini Nditọ Israel ekeñwanade ye mbon Amalek?